



Starfsleyfi fyrir olíubirgðastöð Olíudreifingar, áður í eigu Íslenskrar olíumiðlunar, Neskaupsstað

Kt. 660695-2069

Gefið út af Umhverfisstofnun í samræmi við ákvæði laga nr. 7/1998, um hollustuhætti og mengunarvarnir og reglugerðar nr. 785/1999, um starfsleyfi fyrir atvinnurekstur sem getur haft í för með sér mengun.

1. ALMENN ÁKVÆÐI

1.1. Rekstraraðili

Starfsleyfi þetta gildir fyrir Olíudreifingu ehf, kt. 660695-2069, vegna olíubirgðastöðvar við Naustahvamm 53, Neskaupsstað, Fjarðabyggð. Olíubirgðastöðin var áður í eigu Íslenskrar olíumiðlunar, kt. 510204-3010 sem starfsleyfi þetta var upphaflega gefið út fyrir.

Komi nýr aðili að rekstri olíubirgðastöðvarinnar getur hann sótt um að starfsleyfi verði fært yfir á hann, án þess að gefið verði út nýtt starfsleyfi, sbr. 27. gr. reglugerðar nr. 785/1999.

Olíudreifing ehf. er hér eftir nefnd rekstraraðili.

1.2. Umfang starfsemi

Í olíubirgðastöðinni er heimilt að geyma 8000 m³ af olíu í tveim geymum, auk geyma fyrir úrgangsolíu. Auk þess sem kemur fram í starfsleyfis þessu skal starfssemin rekin í samræmi við ákvæði reglugerðar 35/1994, um varnir gegn olíumengun frá starfsemi í landi með síðari breytingum.

1.3. Mengunarvarnir

Rekstraraðili skal nota bestu fáanlegu tækni (BAT) við mengunarvarnir og nýta orku vel. Þegar aðferðum er beitt við mengunarvarnir sem valda því að mengun færast á milli andrúmslofts, vatns og jarðvegs skal lágmarka neikvæð áhrif á umhverfið (samþættar mengunarvarnir).

1.4. Tilkynning vegna mengunaróhappa og bilana

Verði óhapp eða slys sem hefur í för með sér losun mengandi efna í umhverfið skal þegar í stað grípa til aðgerða skv. viðbragðsáætlun sbr. gr. 3.3 til þess að fyrirbyggja að mengun valdi skaða á umhverfi. Slík atvik skal tilkynna strax til slökkviliðs, hafnaryfirvalda og eftirlitsaðila sem meta hvort þörf sé frekari aðgerða sbr. einnig lög nr. 33/2004, um verndun hafs og stranda. Einnig skal tilkynna Umhverfisstofnun um slík tilfelli ef hættu er á bráðamengun. Verði bilun í mengunarvarnabúnaði skulu þegar í stað hafnar nauðsynlegar lagfæringar.

1.5. Breytingar á rekstri

Rekstraraðili skal veita Umhverfisstofnun upplýsingar um fyrirhugaðar breytingar á rekstrinum með góðum fyrirvara áður en ráðist er í þær.

1.6. Stöðvun rekstrar

Verði rekstri hætt tímabundið eða varanlega skal gera ráðstafanir til þess að úrgangsolíu og öðrum úrgangi sé fargað á viðurkenndan hátt. Ganga skal frá húsnæði og tækjum í samræmi við fyrirfram gerða áætlun. Áætlun um frágang vegna rekstrarstöðvunar skal skila til Umhverfisstofnunar og annarra hlutaðeigandi eigi síðar en **1. maí, 2005**. Tilkynna skal eftirlitsaðila innan þriggja mánaða frá því að rekstri er hætt um ráðstafanir sem gerðar verða, þannig að hægt sé að taka út frágang strax að verki loknu.

1.7. Gangsetning

Hafi rekstur brigðastöðarinnar legið niðri í mánuð eða lengur skal tilkynna eftirlitsaðila áður en stöðin verður tekin í notkun að nýju.

1.8. Endurskoðun starfsleyfis

Endurskoða skal starfsleyfið að jafnaði á fjögurra ára fresti sbr. 20. gr. reglugerðar nr. 785/1999. Ef mengun af völdum starfseminnar er meiri en gert var ráð fyrir við gerð starfsleyfisins, fram koma nýjar reglur um mengunarvarnir eða ef breytingar verða á bestu fánlegu tækni, skal rekstraraðili, í samráði við Umhverfisstofnun, hrinda í framkvæmd áætlun um að draga úr mengun. Ef áætlunin skilar ekki tilætluðum árangri getur Umhverfisstofnun krafist frekari aðgerða til úrbóta og endurskoðun starfsleyfis sbr. 21. gr. reglugerðar nr. 785/1999. Ef nauðsynlegt reynist að mati stofnunarinnar skal rekstraraðili sækja um nýtt starfsleyfi.

2. VARNIR GEGN MENGUN YTRA UMHVERFIS

2.1. Frágangur birgðageyma

Geymar skulu staðsettir í olíuheldum þróum sem rúma rúmmál stærsta geymisins í þrónni. Frágangur þróa skal vera í samræmi við gerð þess eldsneytis sem geymt er í viðkomandi geymum sbr. staðla.

2.2. Áfylling flutningsgeyma

Áfylling flutningsgeyma skal fara fram á olíuheldu áfyllingarplani og skal frárennsli frá því liggja í olíuskilju. Áfylling skal stöðvast sjálfvirkt ef leki kemur að lögnum.

2.3. Lagnir

Frágangur á tönkum og leiðslum fyrir eldfíma vökva skal vera í samræmi við ákvæði reglugerðar nr. 35/1994, um varnir gegn olíumengun frá starfsemi í landi. Lagnir skulu þannig frágengnar að hægt sé að kanna fyrirvaralaust hvort þær leki.

2.4. Frárennsli

Frárennsli frá áfyllingarplani og þróum skal leitt í gegnum olíuskiljur. Olíuskilja með frárennsli til yfirborðsvatns eða sjávar skal vera af gerð I samanber ÍST EN 858. Sé frárennsli til skólpráveitukerfis sveitarfélags má nota olíuskilju af gerð II, miðað við hámarksflæði frárennslis, að fengnu samþykki rekstraraðila fráveitukerfis. Olíuskiljur skulu tæmdar eftir þörfum en þó eigi sjaldnar en einu sinni á ári. Frárennislagnir við þrær skulu vera með lokum innan þróar sem hafðir eru lokaðir nema þegar hleypt er úr þrónum. Lokar skulu tengir aðvörunarkerfi sem sýna þegar lokar eru opnir.

2.5. Úrgangur

Dregið skal skipulega úr myndun úrgangs og úrgangi komið til endurnýtingar eða skipulagðrar förgunar. Spilliefnum sem verða til við starfsemina skal skrá og skila til viðurkenndrar spilliefnamóttöku. Þó er heimilt að semja beint við aðila sem hefur heimilt til nýtingar úrgangsolíu um móttöku á úrgangsolíu frá birgðastöðinni.

2.6. Umgengni

Fyrirtækið skal halda athafnasvæði sínu snyrtilegu og tryggja að þar séu engir hlutir sem ekki tilheyra starfseminni.

2.7. Hávaði

Rekstraraðili skal leitast við að draga úr hávaða frá birgðastöðinni og skal hávaði í nærliggjandi íbúðabyggð skal vera í samræmi við þau mörk sem fram koma í reglugerð nr. 933/1999, um hávaða.

3. INNRA EFTIRLIT FYRIRTÆKISINS

3.1. Skráningar

Rekstraraðili skal hafa reglulegt eftirlit með rekstarþáttum sem geta haft í för með sér mengun eða losun efna út í umhverfið. Skrá skal upplýsingar um eftirfarandi atriði og skulu skráningar gerðar í rekstrahandbók og vera aðgengilegar eftirlitsaðila:

- Viðhald, eftirlit og bilanir í mengunarvarnabúnaði.
- Magn og gerð spilliefna sem skilað hefur verið móttökustöðvar ásamt staðfestingu flutningsaðila og/eða móttökustöðvar.
- Mengunaróhöpp og viðbrögð við þeim.

3.2. Eftirlitsmælingar

Eftirfarandi mælingar skulu framkvæmdar hjá fyrirtæki:

- Að minnsta kosti árlega skal rekstraraðili birgðastöðva kanna hvort tengileiðslur og -rör leki og senda Umhverfisstofnun afrit skoðunarskýrslu.
- Lekavarnir skulu prófaðar á minnst 10 ára fresti
- Botnar og þykkt neðsta umfars geyma skal mæld á minnst 10 ára fresti

Niðurstöður mælinganna skulu sendar til eftirlitsaðila og færðar í rekstrahandbók.

3.3. Rekstrahandbók

Í olíubirgðastöðinni skal vera rekstrahandbók, sem liggur fram fyrir starfsmenn og eftirlitsaðila. Í handbókina skal skrá á aðgengilegan hátt upplýsingar um eftirfarandi þætti: eftirlit, breytingar á stöðinni, athugasemdir starfsmanna og eftirlitsmanna um viðhald, ástand og tæmingu olíuskilju, þrýsti-, leka- og þéttiprófanir, þykktarmælingar og birgðauppgjör á mánaðarfresti, svo og annað sem skiptir máli varðandi vegna framkvæmdar mengunarvarnaeftirlits.

3.4. Skýrslur til eftirlitsaðila

Rekstraraðili skal senda eftirlitsaðila niðurstöður mælinga, sbr. greinar 3.1 og 3.2

4. STARFSHÆTTIR OG UMHVERFISMARKMIÐ

4.1. Starfshættir

Rekstraraðili skal kappkosta að draga sem mest úr því álagi sem rekstraraðili veldur með starfsháttum sínum. Stuðlað skal að góðri nýtingu og að því að losun mengunarefna frá birgðastöðinni verði eins lítil og kostur er.

4.2. Markmið

Rekstraraðili setji sér umhverfismarkmið og starfi samkvæmt þeim. Velja má staðlað umhverfisstjórnunarkerfi, t.d. ÍST EN ISO 14001:1996, sbr. reglugerð nr. 321/1996, um frjálssa þátttöku iðnfyrirtækja í umhverfismálakerfi, eða starfa samkvæmt eigin kerfi.

4.3. Viðbragðsáætlun

Rekstraraðili skal útbúa viðbragðsáætlun til þess að taka á hugsanlegum hættum vegna bráðrar mengunar í samræmi við ákvæði reglugerðar nr. 35/1994. Viðbragðsáætlunin skal liggja fram hjá starfsmönnum sem starfa við áfyllingu í birgðageyma og flutningsgeyma. Viðbragðsáætlunin skal vera aðgengileg eftirlitsaðila.

4.4. Þjálfun starfsmanna

Starfsmenn og þjónustuaðilar, þar með taldir bílstjórar og vaktmenn, skulu fá viðeigandi þjálfun á tæki og öryggisbúnað sem gerir þá hæfa til að vinna í stöðinni svo og kennslu og æfingu í því hvernig bregðast skal við mengunaróhöppum. Jafnframt skulu þeir hljóta staðgóða fræðslu um eiginleika allra olíutegunda sem meðhöndlaðar eru í stöðinni. Rekstraraðili skal tilkynna Umhverfisstofnun um allar breytingar sem verða varðandi þjónustuaðila.

4.5. Tengiliður

Sérstakur fulltrúi rekstraraðila skal vera tengiliður við Umhverfisstofnun og ber hann ábyrgð á samskiptum rekstraraðila við stofnunina vegna eftirlits með mengunarvörnum fyrirtækisins, og framkvæmd viðbragðsáætlana.

4.6. Annað

Umhverfisstofnun annast eftirlit með ákvæðum starfsleyfisins. Eftirlitið felur í sér árlega skoðanir þar sem einkum eru skoðuð þau atriði starfseminnar sem valdið geta mengun vatns, andrúmslofts eða jarðvegs ásamt frágangi ytra umhverfis og meðferð úrgangs.

Viðbótareftirlit felst m.a. í:

- Skoðun vegna nýs búnaðar sem tekinn hefur verið í notkun eða vegna kvartana.
- Vegna sérstakra úttekta í samræmi við áætlun sem rekstraraðili gerir um úrbætur.

5. GJALDSKYLDA

Rekstraraðili greiðir Umhverfisstofnun gjald vegna útgáfu og kynningar starfsleyfisins og greiðir eftirlitsaðila gjald vegna reglubundins eftirlits skv. gjaldskrá Umhverfisstofnunar sem umhverfissráðherra setur. Starfssemi þessi er flokkuð í 3. gjaldskrárflokki, skv fylgiskjali i í reglugerð nr. 785/1999 með síðari breytingum. Sérstakt gjald greiðist vegna viðbótareftirlits í samræmi. gjaldskrá Umhverfisstofnunar.

6. GILDISTAKA.

Starfsleyfi þetta, sem er veitt samkvæmt reglugerð nr. 785/1999, um starfsleyfi fyrir atvinnurekstur sem getur haft í för með sér mengun, sbr. lög nr. 7/1998, um hollustuhætti og mengunarvarnir, öðlast þegar gildi. Starfsleyfið gildir til **15. apríl. 2015**, og skal að jafnaði endurskoðað á fjögurra ára fresti.

Umhverfisstofnun

22. mars 2005